

جریدہ علیہ

مشیتِ جلیلہ، اسلامیہ نمک، جریدہ، رسیہ سیدر

اوائل صفر ۱۳۳۳

عدو: ۸

آیدہ بر نشرِ اولنور

برجی سنہ

مجلس تدقیقات شرعیہ مقرراتی

« ایتم نظامنامه سنک یدنجی ماده سنه دائر »

حواله بیوریلان عبدالله توفیق مهرلی عرضحال و مربوطلری و ایتم مدیریتی درکناری قرائت اولندی .

مستند به عد ایدیلان ایتم نظامنامه سنک یدنجی ماده سی ترکه متوفادن مقدما فروخت ایدیلوبده ایتم صندوقده موجود ائمانندن داینلره دیون مثبتلری وجهله ویرلسی خصوصنی محتوی اولیوب آنجق دیون اولجه مثبت اولوبده یدلرنده بولسان حکم شرعی به بناء ترکه نك حین مزایده و بیعنده دینلرینه کوره بالتخمین اشیا اشترا ایتلرینه دائر اولمغله اشعارات واقعه دن مستبان اولدیغنه نظراً مقدما فروخت ایدیلان و ایتم صندوقده موجود اولان ترکه ائمانندن داینلرک یدلرنده بولسان اعلامک قبل التصدیق ایتم مدیرینه اعطاسیله استیفای دین ایتلرینه شامل اوله میه جغندن بوصورده ماده مذکوره نك فقره مخصوصه سنه کوره ابتای معامله ایدلسی موافق اولمغله اعلامات مذکوره اصولاً کسب قطعیت ایتدکجه اجرایی جهته کیدلامسی و تحریرات جوابیده دفتر قسامک تأخیر تنظیمی حقنده درمیان اولنان معذرت شایان قبول اولیوب ترکه کاتبیه ایتم مدیرندن بالاغغال آلدینی بحث ایدیلان مبلغ کاتب و مدیر موما الهمان همان بالتحصیل دفتر قسامک سریعاً تنظیم و تحریر ایدلسی ضمننده مظروفاً برغمه قاضیلکنه ارسال بیورلسی تذکر ایدلدی اولبابده

*
*

« کفالت سندلرینک تصدیق خرجلرینه دائر »

معاش و عواندی اوچوز غروش راده سنده اولان موقت مأمورین و کتبه و سائر کفالت سندلرینک مجاناً تصدیق قرار عالی اقتضاسندن اولوب بوقیلدن اولان اغنام مأمورلری معاشلرینکده حد اعظمی بشیوز غروشندن عبارت اولسنه نظراً اشبو قرارک بشیوز غروشه قدر معاشی اولان مأمورین موقتیه دخی شامل طوتلسی خصوصنه بالاستیدان اراده سنیه شرف تعلق ایلدیکندن ومدعی بهی بیک غروشه قدر اولان و کالتنامه و کفالتنامه و اعتبار مالی سنداتنک تصدیقده هرامضا ایچون بش غروش و اعشار وارداتی و واردات سائر امیره نك التزام و احاله سنده ملتزمین و کفلاسندن آله حق سنداتک

تصدیق بیک غروشه قدر اون واون بیک غروشه قدر یکرمی ویوقاریسی ایچون اوتوز غروش آلمسی واهالینک التزامات ایچون ویره جکلری کفالت متسلسله سنداننده کی متعدد امضالارک برامضا حکمنده طوتمسی موافق مصلحت اوله جنی واولبایده کی کاتب العدل نظامنامه سنده توفیق معامله ایدلش اوله جنی مطالعه قلمش اولدیغندن تنسیب بیورلدیغی تقدیرده اولوجهله ایفای معامله اولنسی تذکر ایدلدی اولبایده

*
**

« مصارف محاکمه و اجرت وکالت دائر »

مصارف محاکمه حقنده مدعی طرفندن طلب و دعوی سبقت ایتدیکی صورتده مصارف محاکمه مقدارینک حکمنده ذکر و اجرت وکالت دائر در دست تنظیم اولان خرج قانونی لایحه سنه بر ماده درج اولدیغندن نشرینه دکی وکیل اجر مثله مساوی اوله رق دعوانک تحمله کوره بهر جلسه محاکمه ایچون اون غروش دن الی غروشه قدر و خصوصی اولان وکالت خرجلرینک مصارف محاکمه یه ادخال و آنحق ویریلان حکم شرعی و تنسیب مرعیدن صکره مصارف محاکمه اولان جمعاً شوقدر غروشکده « اول امرده مدعیدن » و یا خود « مدعی علیه مراجعت ایتک اوزره مدعیدن اخذ واستیفای اقتضا ایلدیکی » دیو علاوه سی مناسب اولدیغندن اولوجهله و خصم هرکیم اولورسه اولسون مصارف محاکمه حقنده اولبایده کی ماده قانونیه موجبجه معامله ایدلسنک جواباً امر و اشعار بیورلمسی تذکر ایدلدی اولبایده .

تلیفات مخصوصه

مدینه منوره قاضیلکنه شرف کشیده بیوریلان ۱۸ ذی القعدة ۱۳۳۲ تفرافنامه عالی مشیختیناهی صورتیدر: جناب حافظ حقیقینک بالعموم مسلمینی هر درلو آلام و مصائبدن صیانت و عالم اسلامی هر بر خصوصه نائل فوز و سلامت بیورمسی ایچون در سعادت جوامع شریفه سنده ادای صلاتی متعاقب ادعیه مأثوره رفع بارکاه احدیت قلمنقده و صاحبین بخاری شریف وایکندیدن صکره مسلم شریف قرائت ایدلکنده اولوب حجاج کرام جانبندن ده بالعموم مسلمانلارک صون صمدانی به مظهریت و اسلامیتک تعالی شان و شوکتی نیازی ایصال درکاه الوهیت وعودت لرنده کرک کندیلری کرک مملکت لرنده کی دین قرنداشلری طرفندن